

**2018KO OTSAILAREN 22AN UDALBATZA OSOAK EGINDAKO OHIKO
BATZARRALDIAREN AKTA.**

LEKUA: Beasaingo Udaletxea.

ARETOA: Batzar Aretoa.

EGUNA: Hogeita bia.

HILABETEA: Otsaila.

URTEA: Bi mila eta hemezortzi

HASIERAKO ORDUA: Arratsaldeko zazpiak.

BATZARRALDIAREN IZAERA: Ohikoa.

DEIALDIA: Lehena.

OSATZEN DUTEN PARTAIDEEN KOPURUA: Hamazazpi (17)

UDALBURUA: AITOR ALDASORO ITURBE

BILDUAK:

EAJ-PNV udal taldekoak:

LEIRE ARTOLA UGALDE
MALU VALLES FERNANDEZ
XABIER MATARRANZ RICO
EDORTA DIAZ DEL RIO
NEKANE ZALDUA ESNAOLA
ENKARNI ARRIETA TELLERIA
ELENA RUIZ ZABALA

Beasaingo EH BILDU udal taldekoak:

KOLDO AGIRRE MUJICA
GARBIÑE ZURUTUZA FERNANDEZ
AITOR LARBURU IZAGUIRRE
MIREN AMAIA BARANDIARAN VELEZ DE MENDIZABAL
AITOR MARTIN URTEAGA OSINALDE
ZEZILIA HERRADOR GARIN

Socialistas Vascos-Euskal Sozialistak udal taldekoak:

SANTIAGO URDAMPILLETA DOS SANTOS
ANGEL REDONDO FERNANDEZ

ETORRI GABEA: JON OLANO ARRESE

IDAZKARIA: ITZIAR AROSTEGI APAOLAZA

Bileran, LURDES ALEGRIA LASA, kontuhartzaileak ere, parte hartzen du. Baita ere Aitziber Yurrebaso andreak, bat-bateko itzultzaile lanetan.

1.- AURREKO AKTA. 2017-12-21eko akta onartzea.

2017ko abenduaren 21eko aktaren berri eman ondoren, aho batez onartu da berarekiko proposamenik ez dagoelako.

2.- LAGUNTZA EKONOMIKOAK EMATEKO OINARRIAK:

a.- Bekak Beasaingo gazte laguntzaileentzat.

Malu Vallés andreak (EAJ-PNV), ezagutzera eman ditu ondorengo oinarriak:

“1.- Xedea

Oinarri hauen xedea, Beasaingo gazteak beharrik handiena duten herrialdeetan garapeneko lankidetzak-ekintzetarako sentiberatzea eta gazteen artean herrialdeen eta kulturen elkartasun-baloreak sustatzea da. Horretarako, aukeratutako pertsona gazteek, herrialde horietan zuzenean parte hartzen dute garapeneko lankidetzak-ekintzetan EAEko GGKE baten bidez gutxienez ere hilabete bateko denboraldia eginez eta horrek bide ematen die egoera tokian ezagutzeko.

2.- Aurrekontua

0220.481.230.20.01 kontu-sail espezifikoan jasotzen den Gazte laguntzaileentzat beka programarentzako diru-laguntzen zenbatekoa 12.916 eurokoa da.

3.- Diru-laguntza ematen zaien gastuak.

Beasaingo Udalak, jarduera burutu behar den tokian Gobernu Kanpoko Erakundeekin harremanetan jartzeko egin behar duten bidaiaren joan-etorri gastuak ordaindu ahal izango ditu, herrialde hartara joateko behar den bisatua eta sartzeko edota irteteko zergak barne eta baita hautatutako parte-hartzaileetako bakoitzaren gaixotasun eta istripuetarako aseguruak, ostatu-gastuak eta mantenuarenak ere.

Gehienera 3.000 €ko diru-laguntza onartuko da pertsonako.

4.- Eskatzaileak.

Programa honetan parte hartzeko, gazteek, eskaera egin aurretik gutxienez ere 18 urte beteak izan behar dituzte, gutxienez ere urte bete lehenagotik Beasainen erroldatuta egon behar dute eta ezein GGKErekin ere lan-harremanik ez dute izan behar.

5.- Hautaketarako irizpideak.

Hautagaiak aukeratzeko orduan hurrengo arloak hartuko dira kontuan:

- a) *Jarduera burutu behar den herrialdeko hizkuntza ezagutzea.*
- b) *Kasu bakoitzean egokienak diren eskola-agiriak (tituluak) edo lanbide-prestakuntza izatea, edota behar diren espezialitateak ikasten ari direla ziurtatzea.*
- c) *Lan-egitasmoa.*
- d) *Garapenerako lankidetzarekin zerikusia duten eskarmentuak eta ezagutzak izatea.*
- e) *Gobernuz Kanpoko Erakunderen bateko partaide izatea.*
- f) *Gazte-elkarte bateko zein gizarte-helburuak dituzten beste erakunderen bateko kide izatea.*
- g) *Euskararen ezagutza.*
- h) *Aurreko urteetan programa honetan parte hartu ez duten gazteek izango dute lehentasuna.*

6.-Eskaerak. Agiriak.

Aurkeztu beharreko agiriak:

- *Eskaerari dagokion inprimaki ofiziala, behar bezala beteta eta sinatuta.*
- *NAREN fotokopia.*
- *Curriculum Vitae-a: Laneko bizitzaren txostena (Gizarte Segurantzak emana), agertu nahi diren merituak ziurtatzeko agiriak (agiri bidez ziurtatzen diren merituak bakarrik hartuko dira kontuan).*
- *Tokiko erakunderen baten abala (ekintza burutu behar den herrialdekoa) delako GGKE hori han burutzen ari den ekintzetan pertsona horrek parte har dezakeela adierazten duena eta lan-egitasmoa edo lagunduko duen ekintzen profila.*
- *Lan-egitasmoa: Txostenak, 1990. Urtean Beasaingo Udalak onartutako Euskararen Udal Ordenantzaren 15. Artikuluari jarraiki, euskaraz idatzita egon beharko du.*
- *Jarduera burutzeko aurreikusitako gastuen aurrekontu zehatza:*

-Bidaiaren gastua: (hegazkina+bisatua+zergak)

-Aseguru-polizaren gastuak

-Beste gastu batzuk: osasun-, ostatu- eta mantenu-gastuak eta sentiberatze-jarduera antolatzeak (argazkiak...)

7.-Eskaerak aurkezteko epea.

Oinarri hauetan aurreikusitako diru-laguntzak eskuratzeko eskaerak, maiatzaren 31a arte aurkeztu ahal izango dira.

Eskaerak, Beasaingo Udaleko Gizarte Ongizate Sailari egingo zaizkio eta Udaletxeko Harrera-, Informazio- eta Erregistro-bulegoan aurkeztu beharko dira 7:30etik 14:30era bitartean, Herri Administrazioen eta Administrazioko Jardunbide Orokorrari buruzko 2015eko urriaren 1eko 39/2015 Legeak 16.4 artikuluan aurreikusitako moduetako edozeinetan.

Udalak egiaztatuko balu, eskatzaileak aurkeztutako agiriak proiektuan azaldutakoak baino gutxiago direla edo osatu gabeak direla, 10 egun naturaleko epea emango dio falta direnak aurkezteko edo osatu gabeak osatzeko. Epe hori amaitzen denean huts horiek zuzendu ez badira, eskaera artxibatu egingo da beste izapiderik egin gabe.

Epez kanpo aurkeztutako eskaerak eta haiekin batera jasotzen diren agiriak, zuzenean artxibatu egingo dira.

8.-Proposamenak egin eta ebatzi.

Eskatutako agiriak aurkeztu ondoren Gizarte Ongizate arloak txosten bat egingo du jasotako eskaerei buruzko iritziekin eta Alkatetzari aurkeztuko dio hark ebatz dezan.

Beharrezkoa ikusi ez gero, Batzordeak elkarrizketa bat egin diezaieke eskatzaileei aurkeztutako agiriez informazio gehiago biltzeko.

9.-Pertsona eskatzaileei jakinarazteko epea.

Alkatetzak emandako ebazpena behar bezala jakinaraziko zaie diru-laguntza eskatu duten pertsona guztiei, beranduenera ere eskaerak aurkezteko epea amaitu eta 2 hilabeteko epean.

10.-Diru-laguntza jaso ahal izateko bete beharko diren baldintzak.

Ebazpenean bertan jakinaraziko zaie onuradunei diru-laguntza jaso ahal izateko baldintza hauek bete beharko dituztela:

- a) Esleitutako jarduerak eskatzen duen bizimodura moldatzea.*
- b) Jarduera egin behar den Herrialdean, ekintza bukatu arte irautea, gutxienez hilabete bat.*
- c) Proposatutako denboraldirako istripu eta gaixotasunen aseguru-poliza bat kontratatzea.*
- d) Osasunari dagokionez emandako aholku guztiak betetzea.*
- e) Eskarmentu-aldia bukatu ondoren, bertan egindako lanaren memoria, irudiz osatua aurkeztea eskatzen da, eta baita ere Beasaingo Udalak sentiberatze-jardueraren bat antolatu ezker, 2018ko deialdian aurkeztutako beste gazte laguntzaileekin batera parte-hartzea. Memoria gutxienez ere euskaraz idatzita egon beharko du.*

f) Helburu berdinerako beste laguntzarik jaso ez izana ziurtatzea edo bereziki zer laguntza jaso diren adieraztea.

11.-Ordaintzeko modua.

Ordainketa, gastuen faktura edo agiri originalak aurkeztutakoan egingo da. Agiri hauek diru-laguntza onartu den urteko azaroaren 30a baino lehen aurkeztu beharko dira.

Hegazkina, bisatua eta aseguru-polizaren gastuak, bidaia egin aurretik ordaindu ahal izango dira, baina beste gastu guztiak, aurreko artikuluan ezartzen diren baldintzak bete ondoren ordainduko dira.

12.-Betebeharrak ez betetzea.

Oinarri hauetan aurreikusitako betebeharretakoren bat ez betetzeak erabakia berrikustea ekarriko du eta, hala behar izanez gero, emandako diru-laguntza deuseztatzea, gutxitzea edo itzularaztea.”

Bozketa eginda, aho batez onartu dira. Beka hauentzat bideratuko den laguntza 2018ko aurrekontuko “0220.481.230.20.01 lankidetzak ekintzetarako laguntzak” partidara zuzendutako kopuruaren %26,66a izango da.

b.- Haurren denboraldirako harrera.

Malu Vallés andreak (EAJ-PNV), ezagutzera eman ditu ondorengo oinarriak:

“GARATZE BIDEAN DAUDEN EDO ZORITXARREN BAT JASAN DUTEN
HERRIALDEETATIK DATOZEN HAURREN DENBORALDIRAKO HARRERA
PROGRAMA 2018

1.-Xedea.

Oinarri hauen xedea, garatze bidean dauden edo ezbeharren bat jasan duten herrialdeetatik datozen haurrak Beasaingo familietan harreraren hartzeko diru-laguntzak arautzea.

2.- Aurrekontua

0220.481.230.20.01 kontu-sail espezifikoan jasotzen den garatze bidean dauden edo ezbeharren bat jasan duten herrialdeetatik datozen haurren denboraldirako harrera programarentzako diru-laguntzen zenbatekoa 11.301,50 eurokoa da.

3.- Diru-laguntza jaso dezaketen gastuak.

Beasaingo Udalak honako gastuak ordaindu ahal izango ditu:

- Bidaiak, arropa, oinetakoak, farmazia gastuak, betaurrekoak, dentista gastuak e.a.

Gehienera 1.500€ko diru-laguntza onartuko da haur bakoitzeko.

4.- Eskatzaileak.

Oinarri hauetan ezarritako diru-laguntzak eskatzeko aukera, nortasun juridikoa izan eta irabazi asmorik ez duten eta deialdi honen xedearekin bat etorrira jarduerak egiten dituzten irabazi asmorik gabeko gobernuz kanpoko nortasun juridikodun edozein antolakuntzak edo erakundek izan dezake bere egoitza nagusia edo ordezkaritza iraunkorra EAEn baldin badu.

Kontu hauetarako GGKEren ordezkaritza iraunkorra EAEan dagoela ulertuko da, erakundearen egitura esanguratsuak bertan dituela agiri bidez egiaztatuta. Horrela bada, ordezkaritza iraunkorrak hartuko du eskaera aurkezteko zuzeneko erantzukizuna eta diru-laguntza ematen bazaio, bera arduratuko da hitzarmena sinatzeaz. Halaber, kontabilitatea eraman, dokumentuak izapidetu eta proiektua kudeatu ere, berak egin behar ditu bere EAEko bulegoetan.

Deialdi honetara biltzeko espresuki baztertuta gelditzen dira Estatuaren, Autonomi Administrazioen, Foru Aldundien eta banketxeen mendeko erakundeak nahiz zerbitzuak.

Aurkezten diren erakundeek ezingo dute diru-laguntzarik jaso baldin eta Beasaingo Udalarekin egunera ez badaude (zor ekonomikoak, beste deialdietan onartutako diru-laguntzen justifikazio falta...).

5.- Eskaerak. Agiriak.

Eskaerak Udaletxean aurkeztu behar dira, honako agiri hauekin batera:

- Eskaerari dagokion inprimaki ofiziala, erakunde sinatzailearen ordezkari izateko legezko gaitasuna duen pertsonak sinatua.

- Laguntzea eskatzen den proiektu edo egitarauaren txosten zehatza. Txostenak, 1990. urtean Beasaingo Udalak onartutako Euskararen Udal Ordenantzaren 15. artikuluari jarraiki, euskaraz idatzita egon beharko du eta proiektua edo programa bera burutzeko aurreikusitako diru-sarreraren eta gastuen aurrekontua lagun izan beharko du egikaritze-egutegiarekin batera.

Eskatzen eta onartzen den diru laguntzatik zeharkako gastuentzat, gehienera %7a bideratu ahal izango da.

- Erakunde eskatzailearen estatutuak. Estatutuak, diru-laguntza lehenengo aldiz eskatzen duten erakundeek eta estatutuetan aldaketaren bat egin duten erakundeek bakarrik aurkeztu beharko dituzte.

- Sinatzailea erakunde eskatzailearen ordezkari dela egiaztatzen duen agiria.

- Eskatzailea, diru-laguntzaren onuradun izaera lortzeko azaroaren 17ko 38/2003 legeko 13. artikulua adierazitako debekuetan sartuta ez egotearen erantzukizuneko aitortpena.

Zergen eta Gizarte Segurantzako kuoten ordainketetan egunera egotearen ziurtagiriak.

6.- Eskaerak aurkezteko epea.

Oinarri hauetan aurreikusitako diru-laguntzak eskuratzeko eskaerak, maiatzaren 31a arte aurkeztu daitezke.

Eskaerak, Beasaingo Udaleko Gizarte Ongizate Sailari egingo zaizkio eta Udaletxeko Harrera-, Informazio- eta Erregistro-bulegoan aurkeztu beharko dira 7:30etik 14:30era bitartean edota Herri Administrazioen eta Administrazio Jardunbide Orokorrari buruzko 2015eko urriaren 1eko 39/2015 Legeak 16.4 artikuluan aurreikusitako moduetan.

Udalak ikusiko balu, eskatzaileak aurkeztutako agiriak proiektuan azaldutakoak baino gutxiago direla edo osatu gabeak direla, 10 egun naturaleko epea emango dio falta direnak aurkezteko edo osatu gabeak osatzeko. Epe hori amaitzen denean huts horiek zuzendu ez badira, eskaera artxibatu egingo da beste izapiderik egin gabe.

Epez kanpo aurkeztutako eskaerak eta berekin batera jasotzen diren agiriak ere, zuzenean artxibatu egingo dira.

7.- Proposamenak egin eta ebatzea.

Eskatutako agiriak aurkeztu ondoren Gizarte Ongizate arloak txosten bat egingo du jasotako eskaerei buruz eta proposamena egingo dio Alkatetzari gaia ebatz dezan.

8.- Erakunde eskatzaileari jakinarazteko epea.

Alkatetzak emandako ebazpena behar bezala jakinaraziko zaio diru-laguntza eskatu duen erakunde orori, gehienera ere eskaerak aurkezteko epea amaitu eta 2 hilabeteko epean.

9.- Ordaintzeko modua.

Diru-laguntzaren % 100a, beranduenera ere, ebazpena emandako datatik zenbatutako 2 hilabeteko epean ordainduko da.

10.- Diru-laguntza zuritzea.

Erakunde onuradunek ondoren aipatuko diren agiriak aurkeztu beharko dizkiote Udalari:

1. Burututako programari edo jarduerari buruzko memoria xehea euskaraz, gastuen zerrenda xehatua dagozkion faktura edo agiri originalak sartuta, zeharkako gastuenak barne (Beasaingo Udalak zigilatu ditzan).

2. Lortutako diru-laguntza, laguntza, diru-sarrera edo baliabideek finantzatzekoak ziren jardueren kostuak gainditzen ez dituzten erantzukizuneko aitorpena.

3. Helburu berdinerako beste laguntzarik jaso ez izanaren ziurtagiria edo bestela adierazi bereziki zer laguntza jaso diren.

11.- Egiaztatzeko epea.

Aurreko artikuluan eskatutako agiriak, beranduenera ere, laguntza jasotako urtea amaitu baino lehen aurkeztu beharko dira.

12.- Betebeharrak ez betetzea.

Oinarri hauetan aurreikusitako betebeharretakoren bat ez betetzeak erabakia berrikustea ekarriko du eta, kasua bada, emandako diru-laguntza deuseztatzea, gutxitzea edo itzularaztea.”

Bozketa eginda, aho batez onartu dira. Harrera programa hauentzat bideratuko den laguntza 2018ko aurrekontuko “0220.481.230.20.01 lankidetzak ekintzetarako laguntzak” partidara zuzendutako kopuruaren %23,33a izango da.

c.- Ekintza gizatiarrentzako larrialdietarako laguntzak.

Malu Vallés andreak (EAJ-PNV), ezagutzera eman ditu ondorengo oinarriak:

“EKINTZA GIZATIARRENTZAKO LARRIALDIETARAKO LAGUNTZAK 2018

1.- Xedea

Oinarri hauen xedea larrialdi kasuetan daudenentzako ekintza gizatiarrak egiteko laguntza ematea da baldin eta hondamendi naturalek, gatazka armatuek edo antzeko gertaeraren batek eragindako larrialdian edo hondamendian dauden pertsona eta erkidegoentzako badira. Ekintzak beharrean daudenek dituzten beharren arabera gauzatu dira eta alde batera utziko dira irizpide politikoak, interes ekonomikoak edo arraza, etnia, nazionalitate, erlijio, sexu, adin edo pentsamolde politikoa dela eta egin litezkeen baztertze ezkor guztiak.

2.- Eskatzaileak.

Oinarri hauetan ezarritako diru-laguntzak eskatzeko aukera, nortasun juridikoa izan eta irabazi asmorik ez duten irabazi asmorik gabeko gobernuz kanpoko nortasun juridikodun edozein antolakuntzak edo erakundek izan dezake, hala nola Garapenerako Gobernu Kanpoko Erakundeak (GGKE) edo erlijio-kongregazioek deialdi honen xedearekin bat etorrira jarduerak egiten badituzte eta beren egoitza nagusia edo ordezkaritza iraunkorra EAEan baldin badute.

Kontu hauetarako GGKEren ordezkaritza iraunkorra EAEan dagoela ulertuko da, erakundearen egitura esanguratsuak bertan dituela agiri bidez egiaztatuta. Horrela bada, ordezkaritza iraunkorrak hartuko du eskaera aurkezteko zuzeneko erantzukizuna eta diru-laguntza ematen bazaio, bera arduratuko da hitzarmena sinatzeaz. Halaber, kontabilitatea eraman, dokumentuak izapidetu eta proiektua kudeatu ere, berak egin behar ditu bere EAEko bulegoetan.

Deialdi honetara biltzeko espresuki baztertuta gelditzen dira Estatuaren, Autonomi Administrazioen, Foru Aldundien eta banketxeen mendeko erakundeak nahiz zerbitzuak.

Aurkezten diren erakundeek ezingo dute diru-laguntzarik jaso baldin eta Beasaingo Udalarekin egunera ez badaude (zor ekonomikoak, beste deialdietan onartutako diru-laguntzen justifikazio falta...)

3.- Eskakerak. Agiriak.

Eskakerak Udaletxean aurkeztu behar dira, honako agiri hauekin batera:

- Eskakerari dagokion inprimaki ofiziala, erakunde sinatzailearen ordezkari izateko legezko gaitasuna duen pertsonak sinatua.

- Laguntzea eskatzen den larrialdiko egoerari buruzko txosten zehatza. Txostenak, 1990. urtean Beasaingo Udalak onartutako Euskararen Udal Ordenantzaren 15. artikuluari jarraiki, euskaraz idatzita egon beharko du.

Eskatzen eta onartzen den diru laguntzatik (zeharkako gastuak kontutan izan gabe) gehienara, %10a bideratu ahal izango da erbesteratutako langileen gastuentzat (bidaia, dietak, e.a. barne) eta zeharkako gastuentzat %7a.

- Erakunde eskatzailearen estatutuak. Estatutuak, diru-laguntza lehenengo aldiz eskatzen duten erakundeek eta estatutuetan aldaketaren bat egin duten erakundeek bakarrik aurkeztu beharko dituzte.

- Sinatzailea erakunde eskatzailearen ordezkari dela egiaztatzen duen agiria.

- Eskatzailea, diru-laguntzaren onuradun izaera lortzeko azaroaren 17ko 38/2003 legeko 13. artikulua adierazitako debekuetan sartuta ez egotearen erantzukizuneko aitortpena.

- Zergen eta Gizarte Segurantzako kuoten ordainketetan egunera egotearen ziurtagiriak.

4.- Eskakerak aurkezteko epea.

Oinarri hauetan aurreikusitako diru-laguntzak eskuratzeko eskakerak, urriaren 31a arte aurkeztu ahal izango dira.

Eskakerak, Beasaingo Udaleko Gizarte Ongizate Sailari egingo zaizkio eta Udaletxeko Harrera-, Informazio- eta Erregistro-bulegoan aurkeztu beharko dira (7:30etik 14:30era bitartean, ekainetik iralera izan ezik, hil horietan harrera-ordutegia 8:00etatik 14:00etara izango baita) edota Herri Administrazioen eta Administrazio Jardunbide Orokorraren 2015eko urriaren 1eko 39/2015 Legeak 16.4 artikuluan aurreikusitako moduetan.

Udalak ikusiko balu, eskatzaileak aurkeztutako agiriak proiektuan azaldutakoak baino gutxiago direla edo osatu gabeak direla, 10 egun naturaleko epea emango dio falta direnak aurkezteko edo osatu gabeak osatzeko. Epe hori amaitzen denean huts horiek zuzendu gabe baleude, eskaera artxibatu egingo da beste izapiderik egin gabe.

Eskakerak irizpide hauek kontuan izanda ebatziko dira:

- Larrialdiak edo hondamendiak eragindako kaltetuen kopurua
- Laguntza jasoko duten pertsona kopurua
- Premia-premiazko ekintzetarako (ura, janaria, jantzia eta etxebizitza

5.- Aurrekontua.

0220.481.230.20.01 kontusail espezifikoan jasotzen den irabazi asmorik gabeko gobernuz kanpoko elkarte edo erakundeek aurkeztutako ekintza gizatiarrentzako larrialdietarako diru-laguntzen zenbatekoa 24.217,50 eurokoa da.

6.- Proposamenak egin eta ebaztea.

Eskatutako agiriak aurkeztu ondoren Gizarte Ongizate arloak txosten bat egingo du jasotako eskaerez eta proposamena egingo dio Alkatetzari hark ebatz dezan. Eskaerak aurkezten diren heinean ebatziko dira.

7.- Erakunde eskatzaileari jakinarazteko epea.

Alkatetzak emandako ebazpena behar bezala jakinaraziko zaio diru-laguntza eskatu duen antolakuntza orori, beranduenera ere eskaerak aurkezteko epe-amaieratik zenbatutako 2 hilabeteko epean.

8.- Ordaintzeko modua.

Diru-laguntzaren % 100a, ebazpen-datatik zenbatutako ondorengo bi hilabeteen barruan ordainduko da.

9.- Diru-laguntza egiaztatzea.

Erakunde onuradunek ondoren aipatzen diren agiriak aurkeztu beharko dizkiote Udalari:

1. Onartutako zuzeneko gastuen kopuruaren transferentzia egin izanaren froga-agiria. Froga-agiri horretan, transferentziaren kontzeptuan hain zuzen ere, proiektuaren izena eta proiektua aurrera eramango den herrialdearen izena azalduko dira.

2. Burututako programari edo jarduerari buruzko memoria xehea euskaraz, gastuen zerrenda xehatua eta dagozkion faktura originalak edo kopiak behar bezala legalizatuak, zeharkako gastuenak barne (Beasaingo Udalak zigilatu ditzan).

Nazio Batuen Nazioarteko Erakundeek ez dute fondoan erabilera justifikatzeko fakturarik aurkeztu beharko (Emandako diru-laguntzaren Faktura Bakarraren originalaren aurkezpena egin beharko dute), nazio Batuetako agentzien funtzionamenduari buruz erabakitako berariazko kontabilitate-kontrola nahikoa justifikazio dela ulertzen delako.

3. Lortutako diru-laguntza, laguntza, diru-sarrera edo baliabideek finantzatzekoak ziren jardueren kostuak ez dituztela gaitzitzen adierazten duen erantzukizuneko aitortpena.

4. Helburu berdinerako beste laguntzarik jaso ez izanaren ziurtagiria, edota bestela, adierazi bereziki zer laguntza jaso diren.

10- Egiaztatzeko epea.

Aurreko artikuluan eskatutako agiriak, diru-laguntzaren deialdiko urtearen hurrengo urteko otsailaren azkeneko laneguna amaitu baino lehen aurkeztu beharko dira.

11- Betebeharrak ez betetzea.

Oinarri hauetan aurreikusitako betebeharretakoren bat ez betetzeak erabakia berrikustea ekarriko du eta hala behar izanez gero, emandako diru-laguntza deuseztatzea, gutxitzea edo itzularaztea.”


Bozketa eginda, aho batez onartu dira. Proiektu hauentzat bideratuko den laguntza 2018ko aurrekontuko (0220.481.230.20.01 lankidetzak ekintzetarako laguntzak) partidara zuzendutako kopuruaren %50a izango da.

3.- ATARIAK ZENBATZEA. Errekarte I, 32 arean egin beharreko eraikinen atariak zenbatzea.

Ezagutzera eman da, Lurralde batzordeko proposamena, hots:

“AURREKARIAK

AU 32 “ERREKARTE I” deituriko eremuan garatuko den planeamendua onetsi ostean, 3 atariko eraikin bat gauzatzeko oinarrizko proiektua aurkeztu da; eraikin hori FORU KALEtik gertuen dagoen eremuan kokatzen da.



Bestetik, eremuaren antolamenduan aurreikusten da beste bi eraikin exekutatzea: R-1 eta R-2.

Oinarrizko proiektutik ondorioztatzen da proposatutako eraikinean 3 atari egitea planteatzen dela. Aintzat hartu da eraikinen luzera, eta gaiari buruz Jose Manuel Elícegui arkitekto jaunarekin hitz egin ostean, beste bi eraikinetan ere 3 atari egitea aurreikusten da. Hau da, guztira, 9 atari egitea aurreikusi da etxebizitza-eraikin horietan.

Bestetik, bi eraikin kaltetuko eta botako dira eremu horretan. Hau da, **ERREKARTE** baserria (20 eta 22 atariak) eta **TELLERI** baserria (24. ataria). 26. ataria (bikoitia) familietako buruen etxebizitzaren lehen eraikinari dagokio. Telleri baserriak ere beste bi eraikin berri ditu, orain dela urte batzuk eraikitakoak: 24-A eta 24-B.

OINARRIAK JURIDIKOAK

Legeria aplikagarria:

- Apirilaren 2ko 7/1985, Toki Araubidearen Legea.

Ondorioz, **LURRALDE** batzordeak **UDALBATZA OSOARI** honako erabaki hau hartzeko proposamena egin dio:


Lehenengoa.- R-3 ERAIKINA: atariak **ERREKARTE KALEA 6, ERREKARTE KALEA 8 eta ERREKARTE KALEA 10** deituko dira; ataririk baxuena udaletxetik gertuen dagoena izango da.

Bigarrena.- R-2 ERAIKINA: atariak **ERREKARTE KALEA 12, ERREKARTE KALEA 14 eta ERREKARTE KALEA 16** deituko dira; ataririk baxuena udaletxetik gertuen dagoena izango da.

Hirugarrena.- R-2 ERAIKINA: atariak **ERREKARTE KALEA 18, ERREKARTE KALEA 20 eta ERREKARTE KALEA 22** deituko dira; ataririk baxuena udaletxetik gertuen dagoena izango da. Eraikin hori exekutatzear, lehenago ez bada, **TELLERI** baserria botako da (24. ataria).

Honako krokis honetan islatzen da proposatutako zenbaketa.





Bozketa eginda, aho batez onartu da.

4.- BOTIKINA. Aseguramendu eta Kontrataziorako Zuzendariari eskaera egitea, Ezkiaga auzoan botikina jartzeko.

Alkate jaunak ondorengo proposamenaren berri eman du:

“HERRITARRAK BATZODEAREN PROPOSAMENA

AURREKARIAK

1.- Beasaingo udalerrian hiru farmazaia daude herri gunean kokatuta (bi kale Nagusian eta beste bat Nafarroa Etorbidean). Hiruek udalerriaren zentroan.

2.- Ezkiaga auzoko (Porteria auzoa izenarekin ere ezagutzen dena), bizilagunei eskaini nahi zaie botikin zerbitzua, kontuan izanda aipatutako auzoa eta farmazien arteko distantzia eta 10 minutu baino gehiago kotxean horietara joateko ez daudela (Dekretu arautzailean adierazitako denbora).

3.- Baina, jasangarri, osasuntsu eta bizilagunentzat erosoak diren hiriak sustatzearen alde, saihestu egin beharko litzateke ibilgailua erabiltzea mota hauetarako zerbitzuetara iristeko, kontuan izanda gure kaleek trafikoz gainezka daudela. 10 minutu horiek bai behar direla Ezkiaga auzoko hainbat tokietatik oinez gertuena dagoen farmaziara iristeko.

4.- Honekin batera doazen dokumentuetan egiaztatzen da Ezkiaga auzoa nortasun propioa duen auzoa dela, hirigunetik bereiztua dagoela eta auzo horretan erroldatutako biztanleriaren %18,22ak 65 urte baino gehiago duela. Beraz, auzo horretan botikina jartzeak, mesede handia egingo lioke, dudarik gabe, bizilagunen

kalitate bizitzari. Kalitate bizitza hori da, hain zuen ere, Udalak sustatu eta bermatu behar duena.

OINARRI JURIDIKOAK

- Azaroaren 28ko, 500/1995, Dekretua.

Horren ondorioz, Herritarrek batzordeak Udalbatza Osoari ondorengo erabaki proposamena egiten dio:

Lehenik. Aseguramendu eta Kontrataziorako zuzendariari eskaera egitea, Ezkiaga auzoan botikina jartzeko dagokion baimena emateko. Zehazki, Mariarats kalea, 3an, 72,00 m² karratu dituen lokalean. Tolosako Jabetza Erregistroan inskribatuta dago, 1187Tomoan, 120 Liburuan eta 141 Orrialdean, 7652 Finka.

Horretarako dokumentazio hau atxikitzen da:

- Ezkiaga auzoa udalerriko beste gunetik bereizten den gunea izateari buruzko nahiz auzoan, botikina jartzeko urbanistikoki eragozpenik (aireztapenerako eta argiztapenerako obrak egitea beharko lirateke, jarduera garatzeko egokitzapen propioaz gain), ez duen lokala egoteari buruzko Alkatearen Memoria.

- Auzo horretan erroldatutako bizilagunak 800 baino gehiago direnari buruzko ziurtagiria."

Hitz egiteko txanda eman ondoren, bildutakoek proposamenarekiko adostasuna azaldu dute.

Horren ondorioz bozketa egin da eta aho batez onartu da proposamena.

5.- NA eta PASAPORTEA. Gobernu Zibileko Delegaritzari eskaera egitea, Beasainen eman ahal izateko NA eta pasaportea.

Alkate jaunak ondorengo proposamenaren berri eman du:

"Gaia: NA eta pasaportea ematea.

Urte batzuetan, Beasain izan zen herrietako bat, estatuko nortasun agiria egiteko ekipoa lekualdatzen zena eta gure herrira etortzen zena. Horrela herritarrei aukera ematen zitzaien Donostiaraino ez joateko eginkizun horretarako.

Zerbitzu horrek oso harrera ona izan zuen beasaindarren eta inguruko herrietako bizilagunen artean, baina zerbitzu horri Beasainen emateari utzi egin zitzaion izapidetzeko arrazoi teknikoak zirela medio, NA chip elektronikoarekin indarrean sartu zenean.

Gaur egun jakitun izanik zerbitzua berriro ere deszentralizatu egin dela eta kapitaletik kanpo ere ematen dela, Udalaren nahia da Beasainen emateko aukera berreskuratzea.

Horren ondorioz, herritarrek batzordeak Udalbatza Osoari ondorengo erabaki proposamena egiten dio:

Lehenik, Gipuzkoako Gobernu Ordezkaritzari eskatzea, **NA eta pasaportea Beasaingo udalerrian emateko** aukera aztertzea, ondo deritzon maiztasunarekin, ondorengo kontuan izanda:

1.- Udaletxean bertan zerbitzu hori emateko lokala dago, egokitua, zuzenean kaletik sarbidea duena eta sarbide hori beste udal dependentziazatik independentea dena.

2.- Horrekin Goierri eskualdea osatzen duten 22 herrietako 69.488 biztanleek aukera izango lukete horren onuraduna izateko eta baita hurbil dauden beste bailaren biztanleria ere bai, adibidez, Sakanako bailara (Nafarroa)."

Hitz egiteko txanda eman ondoren, bildutakoek proposamenarekiko adostasuna azaldu dute.

Horren ondorioz bozketa egin da eta aho batez onartu da proposamena.

6.- ADIERAZPEN INSTITUZIONALA, MARTXOAREN 8A.

Alkate jaunak, Nekane Zaldua EAJ-PNV udal taldeko zinegotziari hitza eman dio eta honen ondorengo adierazpena irakurri du:

"2018ko MARTXOAREN 8rako ADIERAZPENA

Zer gertatzen da emakumeek ez badute zaintzen, ez kontsumitzen, ez lan egiten, ezta parte hartzen ere?

Hausnarketa horrexek eraginda, iaz mugimendu feministak emakumeen nazioarteko greba-deialdi bat egitea erabaki zuen, non eta 70 herrialdetan baino gehiagotan; aurten, 2018an, "Emakumeok planto. Nosotras paramos" leloaren pean errepikatuko da. Grebaren xedea da emakumeen lanak gure gizartean duen inpaktua ikusaraztea eta lan hori aintzat har dadila eskatzea.

Gure gizartearen ongizatea ezinezkoa litzateke bizitzari eusteko ezinbesteko jarduerak egingo ez balira, hala nola, pertsonak zaindu (haurrak, adinekoak, mendekoak...) edo etxeko lanak egin. Lan horietako gehienek ez dute ordainsaririk, eta batez ere emakumeek egiten dituzte. Emakumeen ekarpenik gabe, gizartea geratu egingo litzateke.

Emakumeen lanaren zatirik handiena ez da ikusten eta ez da kontabilizatzen. Horrek esan nahi du etxeetan ekoiztiko ondasunen eta aberastasunaren balioa gutxietsi egiten dela, nagusiki emakumeek egiten dituzten zeregin hauen orduak eta ekarpen ekonomikoa ukatu eta ikusezin bihurtzen direla, eta zeregin horiek zaintza, osasun, giza eta babes arloari egiten dioten aurrezpen sozial handia ere ikusezin bihurtzen dela.

Lan-merkatuaren barruan eta kanpoan eskainitako orduak kontuan izanez gero, emakumeek gure gizarteko lanaren %56 egiten dute, baina baita ordainsaririk gabeko lanaren %74 ere. Gainera, feminizatutako lan asko, batez ere emakumeek egiten dituzten lan asko, enplegu prekarizatukoak dira edo lan-merkatuko ezkutuko ekonomiakoak. Sektore horretan, gainera, migratutako emakume ugari enplegatzen

dira, eta beroriek jatorrizko inguruneetan beren haurrak beste emakume batzuen zaintzapean utzi behar izan dituzte; hala, zaintza-kate globalak sortzen dira.

Eta egiten dituzten zereginez harantzagoko kontua da; izan ere, emakumeek zaintzan eta etxeko lanetan igarotzen duten denboraren ondorioz, gizonak denbora gehiago dute beren karrera profesionala eta lan-munduko karrera garatzeko, edo aisiako edozein jarduera sozial egiteko, emakumeek jarduera horietan sartzeko zailtasunak izan arren.

Denboraren erabilera desberdin hau traba handia da berdintasuna lortzeko, eta gizon eta emakumeei buruzko estereotipoak betikotzeaz gain, generoaren ondoriozko erantzukizunak uztartzeko egiturazko oztopo ere bada, besteak beste.

Horregatik guztiagatik, ezinbestekoa da gizarteak aitortzea zaintza-lana ezinbestekoa dela bizitzaren iraunkortasunerako; zaintzen inguruko jendarte mailako antolakuntza berri bat babestu beharra dago zeregin hori beste modu batera hornitzeko, gizonen erantzunkidetasuna sustatu beharra dago, gizarte antolatze modu honen ondorioz erabakimen- eta botere-guneetan emakumeen talentuaren galera dagoela ikusarazi behar da, antolakuntza- eta enpresa-kultura berdintasunarekin lerrokatu behar dira, eta bizitza pertsonalaren eta laneko bizitzaren kontziliazioa sustatuko duten zerbitzu publikoak indartu behar dira.

*Egoera honetaz OHARTZEN DENEZ, **Beasaingo Udalak hitza ematen du***

- Sentsibilizazio eta trebakuntza-programak garatuko dituela, zaintzan eta etxeko lanetan gizonen erantzunkidetasuna sustatzeko eta erabakitze guneak emakumeekin partekatze.*
- Bere eskumenen alorrean lagunduko duela zaintza babesteko baliabideak eta zerbitzu publikoak garatu eta finkatu daitezen, eta zaintzen arloan erantzunkidetasun sozialerako komunitateko estrategien artikulazioa sustatu dadin.*
- Udaleko politikak genero-ikuspegiarekin garatuko dituela.*
- Balioen transmisioa azpimarratuko duela, berdintasunezko gizarte lortzeko kultura-aldaketak susta daitezen.*

Azkenik, herritarrei dei egiten die martxoaren 8a Emakumeen Nazioarteko Eguna dela-eta antolatu eta deituko diren ekitaldi eta ekintzetan modu aktiboan parte har dezaten.

Hitz egiteko txanda eman ondoren, bildutakoek ez dute ezer adierazi adierazpenarekiko.

Bozketa egin da eta ondorengo emaitza lortu da:

Aldeko botoak: 10 (EAJ-PNV, Sozialistas Vascos-Euskal Sozialistak)

Aurkako botoak: 0

Abstentzioak: 6 (Beasaingo EH BILDU)

Horren ondorioz, gehiengo absolutuarekin onartu da 2018ko martxoaren 8ko ADIERAZPENA.

7.- ERREPAROA. Kontuhartzaileak egindako erreparoen berri Plenoari jakinaraztea.

Alkate jaunak, Kontuhartzaileak egindako erreparoen berri eman du:

“GAIA.- Egindako eragozpenen aurka emandako Ebazpenei buruzko jakinarazpenak Udalbatzari.

Txosten hau, Toki Ogasunak arautzen dituen Legearen Testu Bateratzailearen 218 artikulua xedatutakoaren agindupean igortzen da, honek ezartzen baitu Udalbatzari helaraztearen beharra Toki Erakundearen Lehendakariak, egindako eragozpenen aurka emandako ebazpenen berri ematearen betebeharra.

Aipatutako xedapenak dioena betez ondorengo ebazpenak zerrendatzen direla, dagokion prozedura jarraitu gabe kontratatu diren zerbitzuei buruz emandako erreparoen aurkakoak:

- B17/1313 ebazpena, komunikazio zerbitzu eta udal aldizkariaren prestakuntza zerbitzuen ordainketari buruzkoa.*
- B17/1374 ebazpena, Aranealde elkartearen ekintzetako koordinazio eta dinamizazio lanengatik eta estimulazio kognitibo tailerrengatik.*

2.- Jakinarazpen horrek puntu independente bat osatu behar duela dagokion Osoko Bilkurako gai-zerrendan.

3.- Korporazioaren Lehendakariak jarduketaren txosten justifikatzailea aurkeztu ahal izango duela Osoko Bilkuran.”

Hitz egiteko txanda eman ondoren, bildutakoek proposamenarekiko iritzia hauek eman dituzte:

Santi Urdampilleta jaunak (Socialistas Vascos-Euskal Sozialistak): “No nos cabe la menor duda de que cuando se emiten este tipo de resoluciones se hacen con la mejor de las intenciones para que los servicios se sigan prestando y se sigan prestando bien, pero habría que echar un poco el freno a este tipo de cuestiones porque estas cosas tienen que salir a concurso, aprobando los pliegos.”

Alkate jaunak (EAJ-PNV): “De acuerdo”.

8.- ALKATEAREN EBAZPENAK: 2017ko abenduaren 18tik 2018ko otsailaren 17ra bitarte emandako Ebazpenak.

Ezagutzera eman da Alkateak, 2017ko abenduaren 18tik 2018ko otsailaren 17ra bitarte, emandako Ebazpenak

9.- ESKAERA ETA GALDERAK

Eskaera eta galderen atalean honelakoak aurkeztu dira:

ERAUSKIN PLAZAREN BIRMOLDAKETA

Aitor Larburu jaunak (Beasaingo EH BILDU): “Lehengo asteko Lurralde batzordean aurkeztu zitzaigun Erauskin plazako proiektua. Guk ulertu genuen proiektua oraindik ez dagoela amaituta eta asmoa zela udal taldeei helaraztea ekarpenak egiteko aukera emanez. Horrezaz gain guk galdetu genuen trafikoarengan zein eragina izango zuen eta esan zitzaigun Nafarroa Etorbideko zati batean eragina izango zuela bakarrik. Gure sorpresa, ordea, izan da batzordea ostegunean ospatuta, ostiralean Diario Vascon proiektuaren berri eman zela. Ez dakit egunkariaren artikulua bertan esaten zen proiektua behin betiko denik, baina horrela ematen zuen. Eta hori bakarrik ez, hurrengo egunean enteratu ginen Oriamendi kalea bi norabidekoa izatera pasako dela. Gu harrituta geratu gara. Orduan azalpena eskatzen dugu edo egunkarietatik enteratu behar gara?.

Alkatea jaunak (EAJ_PNV): “Atzekoz aurrera hasiko naiz. Oriamendiri buruz aipatzen duzuna komunikabideetan oker ez banago, etxe honetako teknikariaren ahotan jartzen zuen bere ustez zein izango litzatekeen egokiena egitea. Bozeramailearen batzordean esan zen hori baloratu egin behar dela. Guri iruditzen zaigu ez dela zentzuzkoa berriro espaloiak puskatzen hastea, hau da, ezin dugula orain dela hiru urte bukatu den obra puskatzen hastea. Erabakiak hartu beharko dira, hartu behar diren tokian, hau da, batzordeetan. Horretarako guk eskatu duguna da proiektu bat egitea, jakiteko aintzakotzat hartu behar dugun ala ez. Egia da Oriamendik kalean gaur egun arazo bat dagoela zoruarekin, baina beste gauza bat da espaloiak puskatzen hastea. Teknikoari guk ez diogu ahorik itxiko, bere iritzia da. Galdetu eta erantzun dezala, baina erabakiak hartuko dira hartu behar diren tokian. Erabaki hori udaletxe honetan, politikoki behintzat ez da hartu. Aurkeztu egin beharko dira aldeko eta kontrako gauzak eta ondo neurtu eta baloratu. Paperak dena aguantatzen du, baina lan hori egin beharko da.

Erauskingoa zirriborro modura azaldu zen, baina oraindik, noski, ekarpenak egiteko garaia da. Ez da behin betikoa, baina askotan komunikabideen abiadurak...Behin betiko onespena ez du komunikabide batek egiten. Kasu honetan ez da Alkate batek, baizik eta batzorde batek, gobernu batzordeak edo osoko bilkurak.”

Aitor Larburu jaunak (Beasaingo EH BILDU): “Egiteko moduak daude eta batzorde batzuk eta hamazazpi politiko egonda eta horietatik bat kalean enteratzea, Oriamendi kalea bi norabide izateko pausoak ematen ari direla, ez da oso egokia. Eskertzen dizut emandako informazioa.”

Alkate jaunak (EAJ-PNV): “Ez da egokia, hala balitz, baina berriz esango dut. Ez da erabaki hori hartu. Neri iruditzen zait, 700.000,00 € kostatu zen obra ezin duguna da kapritxo bategatik puskatu eta beste gauza bat egiten hasi. Beste gauza bat da baloratzea kostu gutxiarekin hori aintzakotzat hartzea, Baina bide hori egin beharra dago, baina datu zehatzagoarekin.”

Santi Urdanpilleta jaunak (Socialistas Vascos-Euskal Sozialistak): “Queremos poner en conocimiento de esta Corporación diversos hechos que se están produciendo en la Portería, relacionadas con personas que se encuentran de “ocupas” en una vivienda, concretamente en el portal 25 de la calle J. M. Iturriotz. Hechos como intento de robo en un establecimiento del barrio, aproximaciones a vecinos en plan intimidatorio, destrozos en una de las sociedades del barrio, etc. Tenemos constancia de que el Ayuntamiento los conoce.”

Alkate jaunak (EAJ-PNV): “Nos hemos dirigido al propietario de la vivienda para que tome medidas. Nosotros como Ayuntamiento podemos estar dispuestos a echar una mano, por ej. tapiar, pero es el dueño el que nos tiene que dar el permiso. Le hemos trasladado la problemática que existe y le hemos solicitado que no se demore.”

Santi Urdanpilleta jaunak (Socialistas Vascos-Euskal Sozialistak): “Aunque entiendo que no es el Pleno el lugar más apropiado para preguntar esto, lo digo porque es una información que no se ha pasado en la comisión. También quiero decir algo sobre lo comentado anteriormente en relación al reparo. Me gustaría saber cómo está el pliego de condiciones sobre el mantenimiento del tema de la electricidad.”

Alkate jaunak (EAJ-PNV): “El departamento de servicios ya tiene la orden desde hace un mes. No es sencillo hacer un pliego de esos porque hay que hacer muchas valoraciones. Se está trabajando y es nuestra intención sacar lo antes posible.

Eta tratatzeko besterik ezean, bilera arratsaldeko zazpiak eta erdietan amaitu da eta nik, idazkari naizen honek, akta hau idatzi eta sinatu dut.